

Broj: 01-49-2-1695/17

Datum: 18.07.2017.godine

IZVJEŠTAJ

o radu Općinskog vijeća Tešanj za period 1.1. – 30.6.2017. godine

UVODNI DIO

Članom 117. Poslovnika o radu OV-a utvrđeno je sljedeće:


1. Općinsko vijeće obavezno je putem nadležne službe izraditi šestomjesečni i godišnji izvještaj i isti nakon usvajanja na sjednici Općinskog vijeća objaviti.
2. Izvještaj iz prethodnog stava obavezno obuhvata:
 - a) broj donesenih odluka,
 - b) broj primljenih komentara za svaku odluku pojedinačno,
 - c) broj odluka koje su inicirali građani,
 - d) broj održanih javnih rasprava,
 - e) broj građana koji su prisustvovali javnim raspravama,
 - f) broj sprovedenih analiza ekonomske opravdanosti,
 - g) broj građana koji su prisustvovali sjednicama Vijeća i
 - h) prisustvo vijećnika sjednicama Vijeća.

Izvještaj o radu Općinskog vijeća Tešanj za period 1.1. – 30.6.2017. godine predviđen je u trećem kvartalu Programa rada za 2017. godinu.


IZVJEŠTAJNI DIO

- a. Općinsko vijeće je donijelo 24 odluke, 11 rješenja i 37 zaključaka,

Sagleda li se struktura tema i pitanja o kojima se vodila rasprava i donosili određeni zaključci u izvještajnom periodu najbrojnije su bili prijedlozi odluka (24), inicijativa (21), informacija (20), izvještaja (9), rješenja (11).



U izvještajnom periodu Općinsko vijeće je nakon provedenih rasprava usvojilo ukupno 72 akta i to 24 odluke, 11 rješenja i 37 zaključaka.



b. Komentara na odluke koje je Vijeće donijelo – nije bilo.

c. Općinsko vijeće je donijelo 11 akata koje su inicirali građani.

d. Održane su 2 javne rasprave.

e. Javnim raspravama je prisustvovalo 30 građana.

f. Sjednicama Vijeća pored redovnih gostiju prisustvovalo 19 građana.

g. Nije bilo odluka koje su zahtjevale posebnu ekonomsku opravdanost.

h. Prisustvo vijećnika sjednicama Vijeća bilo je dobro, jer su svakoj sjednici Vijeća, od ukupno 25 vijećnika, u prosjeku prisustvovala 23 vijećnika, ili 92 %.

Na ukupno 6 održanih sjednica Vijeća u periodu od 1.1.do 30.6. 2017. godine, uglavnom nakon ranije najavljenog opravdanog odsustva, sjednicama Vijeća nisu prisustvovali slijedeći vijećnici:

1.	Jašić Haris	3 sjednica Vijeća
2.	Omić Mirsad	2 sjednice Vijeća
3.	Hasanbašić Senad	2 sjednice Vijeća
4.	Hodžić Enes	2 sjednica Vijeća
5.	Lihić Adnan	1 sjednica Vijeća
6.	Jupić Mirano	1 sjednica Vijeća
7.	Alić Munevera	1 sjednica Vijeća
8.	Hodžić Sadina	1 sjednica Vijeća
9.	Deljković Nermin	1 sjednica Vijeća
10.	Pašić Danijel	1 sjednica Vijeća

OSTALO

Općinsko vijeće Tešanj je u periodu 1.1. – 30.6.2017. godine radilo u redovnim javnim zasjedanjima. Održano je ukupno 6 redovnih sjednica od toga 1 je bila tematska. Sjednice Vijeća u izvještajnom periodu trajale su u prosjeku oko 4 sata.

Na dnevnom redu sjednica Vijeća bilo je 56 tačaka, od čega su 31 ili 66% bile predviđene Programom rada Vijeća za 2017. godinu. Ostalih tačaka 16 ili 34 % bile su tekuće aktivnosti nastale kao posljedica zahtjeva građana, poslovnog svijeta i drugih subjekata pred administracijom. U prosjeku je bilo po 9 tačaka dnevnog reda po jednoj sjednici. Većina Odluka, izvještaja i informacija koje su planirane Programom rada Vijeća za 2017. godinu su realizovane. U prilogu ovog izvještaja dostavlja se informacija o realizaciji Odluka, rješenja i zaključaka koje je Vijeće usvojilo u periodu od 01.01.2017.godine do 30.06.2017.godine.

Osnovne tematske odluke predviđene Programom rada za 2017.godinu koje je Vijeće u izvještajnom periodu donijelo su:

1.	Odluka o visini prosječne konačne građevinske cijene na području Općine Tešanj
2.	Odluka o izmjenama i dopunama RP "Jugozapad" Tešanj
3.	Odluka o usvajanju Liste kapitalnih projekata za budžetsku 2017.godinu i Lista
4.	Odluka o usvajanju Programa novčanih podsticaja za unaprjeđenje poljoprivredne proizvodnje na području općine Tešanj u 2017.godini
5.	Odluka o izmjeni Odluke o usvajanju Programa novčanih podsticaja za unaprjeđenje poljoprivredne proizvodnje na području općine Tešanj u 2017. godini

Osnovne tematske odluke koje nisu bile predviđene Programom rada za 2017.godinu (nastale kao posljedica zahtjeva građana, poslovnog svijeta i drugih subjekata pred administracijom), koje je Vijeće u izvještajnom periodu donijelo navedene su u sljedećem tabelarnom prikazu:

1.	Odluke o izmjenama i dopunama odluke o zagrijavanju Tešnja daljinskim grijanjem i Uslovima za isporuku i preuzimanje toplotne energije
2.	Odluke o načinu rasporeda budžetskih i drugih sredstava za dugoročnu podršku realizaciji kapitalnih projekata
3.	Odluke o izmjenama i dopunama Odluke o pogodnostima za investitore u Poslovnoj zoni "Bukva"
4.	Odluka o utvrđivanju javnog interesa za rekonstrukciju raskrsnice na ulazu u Jelah /cesta M-4
5.	Odluka o gubitku statusa Javnog dobra-put
6.	Odluka o prodaji nekretnine radi oblikovanja građevinske parcele (Mišković Nikola, Rosulje)
7.	Odluka o stavljanju van snage Odluke o osnivanju Mjesnih ureda Općine Tešanj u Kaloševiću i Šijama
8.	Odluka o usvajanju planova potencijalnih projekata javno-privatnog partnerstvo i Planovi
9.	Odluka o potvrđivanju liste najboljih kandidata za Nadzorni odbor JP RAD Tešanj
10.	Odluka o potvrđivanju liste najboljih kandidata za Nadzorni odbor JP TRA Tešanj
11.	Odluka o izmjeni i dopuni Odluke o opisu granica, označavanju naseljenih mjesta, te numerisanju objekata u naseljenim mjestima na području Općine Tešanj
12.	Odluka o pristupanju izmjene i dopune Urbanističkog projekta "Tešanj-Centar" Tešanj
13.	Nacrt Odluke o raspolaganju nekretninama Općine Tešanj koje su u evidenciji o zemljištu upisane na Mjesne zajednice
14.	Odluka o realizaciji projekta vodosnabdijevanja "Vodovod Tepe-Hrvatinovići"
15.	Odluka o izmjeni i dopuni Odluke o iznosu priključka na vodovod "Pousorje"
16.	Odluka kojom se odobrava, radi izgradnje trafo stanice, prodaja neposrednom pogodbom nekretnine u vlasništvu Općine Tešanj
17.	Odluka o raspolaganju nekretninama Općine Tešanj koje su u evidenciji o zemljištu upisane na MZ
18.	Odluka o izmjeni Odluke o ustupanju prava korištenja na zgradi za Poreznu upravu u Tešnju
19.	Odluka o dopuni Odluke o korištenju javnih površina

Aktivnosti Općinskog vijeća zasnivale su se na zadacima utvrđenim Programom rada Vijeća za 2017. godinu. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinio da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo.

Kolegij je na svojoj sjednici održanoj dana 19.01.2017. godine usaglasio da edukacije vijećnika budu kako je i predviđeno Planom održavanja edukacija vijećnika u mandatnom periodu 2016.-2020. od 19.12.2016. godine koji je donesen na osnovu čl.15 Poslovnika o radu Općinskog vijeća u principu 30 minuta prije početka svake sjednice.

Planom održavanja edukacija su planirane sljedeće teme, trajanje i vrijeme održavanja:

	Tema	Predavač	Trajanje	Vrijeme
1	Statut Općine Tešanj (Uređenje Općine kroz zakone i Ustav)	Mirmes Dedukić, stručni savjetnik za ljudske resurse i normat.prav. poslove	30-45 minuta	3 sjednica vijeća
2	Poslovnik o radu Općinskog vijeća	Presjedavajući OV, Senad Subašić	30-45 minuta	4 sjednica vijeća
3	Zakon o principima lokalne samouprave	Arijana Brkić, Općinski pravobranilac	30-45 minuta	5 sjednica vijeća
4	Etički kodeks i kodeks ponašanja vijećnika	Presjedavajući OV Senad Subašić i Mirmes Dedukić, Predsjednik komisije za Kodeks	30-45 minuta	6 sjednica vijeća
5	Komuniciranje sa javnošću	Edina Kadušić, stručni saradnik za informisanje i odnose sa javnošću - portparol Općine	30-45 minuta	7 sjednica vijeća
6	Prostorno-planska dokumentacija (zakon ograđenju i građevinskom zemljištu)	Nadir Medarić, Pomoćnik načelnika za katastar, urbanizam i imovinsko-pravne poslove	30-45 minuta	8 sjednica vijeća

Napomena: Ovaj Plan nije konačan, može se dopunjavati ukoliko vijećnici iskažu interesovanje i predlože neke druge teme ili neki drugi vid edukacije.

U izvještajnom periodu vijećnici su imali 4 edukacije na sljedeće teme:

1. Statut općine Tešanj, predavač Mirmes Dedukić, stručni savjetnik za ljudske resurse i normativno pravne poslove.
2. Poslovnik o radu Općinskog vijeća Tešanj, predavač Predsjedavajući Vijeća Senad Subašić.
3. Prostorno-planska dokumentacija (Zakon o građenju i građev. zemljištu), predavač: Nadir Medarić, dipl.ing.geodezije.
4. Zakon o principima lokalne samouprave, predavač: Arijana Brkić, Općinski pravobranilac.

Preostale dvije planirane edukacije na teme Kodeks ponašanja – etički kodeks i Komuniciranje sa javnošću nisu bile iz razloga što jedna zakazana edukacija nije održana zbog slabog odziva vijećnika, a druga je odgođena zbog drugih obaveza (Sastanak sa vijećnicima, Projekat Jačanje uloge mjesnih zajednica).

Na ove 4. održane edukacije odziv vijećnika je bio dobar (na 1. edukaciji je bilo 18.vijećnika, na 2.edukaciji - 20 vijećnika, na 3. edukaciji - 17 vijećnika i na 4.edukaciji – 19 vijećnika). Vijećnici koji nisu bili u mogućnosti prisustvovati edukacijama ranije su najavili i opravdali svoje odsustvo.

Kolegij Općinskog Vijeća Tešanj je na svojoj sjednici koja je održana dana 15.05.2017. godine odlučio da se uvede Građanski sat sa vijećnicima Općinskog vijeća Tešanj, prema utvrđenim pravilima kako slijedi:

- Termin za sastanke: Svaki petak s početkom od 14,00 do 16,00 sati, u kancelariji Predsjedavajućeg Vijeća br.30 u zgradi Općine Tešanj.
- Kontakt osoba: Tehnički sekretar Vijeća.
- Kontakt telefon/e-mail: 032/650-022 lokal 109 – sajda.kleplic@opcina-tesanj.ba.
- Građani Općine Tešanj svoje zahtjeve mogu dostaviti i na pisarnicu Općine Tešanj.
- Kolegij Vijeća određuje vijećnike za termine građanskog sata.
- Građani mogu u svom zahtjevu naznačiti uz temu, ime vijećnika sa kojim žele razgovarati.
- Sastanci vijećnika sa građanima ne mogu biti održani u slučajevima kada je petkom neradni dan ili je zakazana sjednica vijeća.

Od 7.sjednice Općinskog vijeća koja je održana 27.04.2017.godine prešlo se na elektronsku dostavu materijala za sjednice Vijeća. Materijali su u izvještajnom periodu uglavnom dostavljani najmanje 7 dana prije održavanja sjednice, čime je redovno poštovana procedura predviđena Poslovníkom o radu Vijeća.

Cjelokupan radni materijal planiran za sjednice Vijeća, poslije sjednice Kolegija objavljuje se na zvaničnoj web strani Općine. Ovim činom sav materijal činimo dostupnim svim građanima sa ciljem da do početka sjednice preko vijećnika mogu reagovati svojim primjedbama na svaki od predloženih dokumenata.

Prije početka 9. sjednice Općinskog vijeća od 14,00 do 15,30 sati održana je Panel diskusija "Otvoreni sastanak sa vijećnicima Općinskog vijeća", u okviru Projekta "Jačanje uloge MZ u BiH" na kojoj je bilo prisutno 19 vijećnika dok je 6 vijećnika opravdalo svoj izostanak.

Na 9.sjednici Općinskog vijeća g-din Siniša Ubiparipović je uz prezentaciju predstavio Projekat općinskog okolišnog i ekonomskog upravljanja MEG – UNDP.

Vijećnici su u svom radu postavili 56 vijećničkih pitanja. Općinski načelnik je usmeno na sjednici odgovorio na 15 vijećničkih pitanja dok je na ostala odgovoreno, uglavnom do naredne sjednice Vijeća.

Vijećnici su podnijeli 21 vijećničku inicijativu o kojima u izvještajnom periodu nije bilo izjašnjenja.

Sjednicama Vijeća su u svojstvu gosta redovno pozivani: poslanici u državnom parlamentu i kantonalnoj skupštini s područja općine, OSCE, kao i predstavnici javnih preduzeća i ustanova, i drugi, kada je razmatrana određena problematika vezana za navedene institucije.

Rad svih sjednica Vijeća bio je javan. Sjednicama su redovno prisustvovali i mediji (TV "Smart" Tešanj). Sjednice su emitovane u jasno definisanom terminu, prva subota nakon održavanja sjednice sa početkom u 21,00 sati i nedjelja u 14,00 sati u programu TV "Smart" Tešanj i najkasnije u roku od tri dana na NTV "Amna" Tešanj. Građanima općine bilo je omogućeno televizijsko praćenje sjednica Vijeća, te kraće reportaže putem TV "Smart" Tešanj (Tešanjaska hronika) i lokalnih radio stanica. Također, rad Vijeća redovno je predstavljan na web stranici Općine Tešanj i Tešanjskom biltenu, te na druge načine (facebook stranici i aplikacije za mobilne telefone). Konačni akti redovno su objavljivani u "Službenom glasniku Općine Tešanj", koji su građanima dostupni i na web stranici Općine Tešanj.

RADNA TIJELA VIJEĆA

Za pripremanje i razmatranje prijedloga odluka i drugih akata i za praćenje i proučavanje drugih akata iz nadležnosti Vijeća, u Vijeću se obrazuju stalna radna tijela.

U izvještajnom periodu imenovane su sljedeće stalna radna tijela Komisije Općinskog vijeća : Komisija za pitanja mladih, Komisija za ravnopravnost polova, Statutarno-pravna komisija, Komisija za budžet, Komisija za zaštitu čovjekove sredine, Zakonodavno-pravna komisija, Komisija za primjenu Kodeksa ponašanja vijećnika, Mandatno – imunitetska komisija i Komisija za predstavke i prijedloge.

Dana 18.04.2017.godine održan je informativni sastanak Predsjedavajućeg Vijeća sa predsjednicima Komisija Općinskog vijeća na kojem su prisutni upoznati sa nadležnostima, ovlaštenjima i odgovornostima komisija i potrebom da komisije Vijeća kroz svoj rad daju doprinos poboljšanju rada Vijeća. Predsjedavajući Vijeća je predsjednike komisija upoznao i sa činjenicama da se Općina Tešanj uključila u „MEG“ projekat Švicarske ambasada, te da se kroz taj projekat ocjenjuje i organizacija i funkcionisanje radnih tijela Općinskog vijeća zbog čega je potrebno u narednom periodu unijeti poboljšanja. Na sastanku je bilo pored Predsjedavajućeg Vijeća i tehničkog sekretara 8 predsjednika Komisija (dva predsjednika ranije opravdala svoje odsustvo). Na sastanku su usvojeni sljedeći zaključci

- da Komisije donesu Poslovnik o radu,
- da donesu Programe rada radnih tijela i
- da Vijeću dostavljaju polugodišnje i godišnje Izvještaje o radu.

Komisije su u izvještajnom periodu održale radne sastanke, donijele Poslovnike o radu, programe rada i o svom radu informisale Predsjedavajućeg vijeća.

U izvještajnom periodu održano je 15 sastanaka stalnih radnih tijela.

R.br.	RADNA TIJELA	Broj sastanaka od 1.1.-30.6.2017.
1.	Komisija za pitanja mladih	2 sastanka
2.	Komisija za ravnopravnost polova	2 sastanka
3.	Statutarno-pravna komisija	1 sastanak
4.	Komisija za budžet	1 sastanak
6.	Komisija za izbor i imenovanje	3 sastanka
7.	Komisija za zaštitu čovjekove sredine	1 sastanak
8.	Zakonodavno-pravna komisija	1 sastank
9.	Komisija za primjenu Kodeksa ponašanja vijećnika	2 sastanka
10.	Mandatno – imunitetska komisija	1 sastanak
11.	Komisija za predstavke i prijedloge	1 sastanak

Općinsko vijeće je u izvještajnom periodu donijelo Rješenja o imenovanju Razvojnog tima za izradu Strategije razvoja općine Tešanj za period 2018-2022. Razvojni tim je u izvještajnom periodu odžao 6 sastanaka, formirana je partnerska grupa i izvršeno je predstavljanje strateške platforme o čemu će Općinsko vijeće biti detaljno informisano kroz Nacrt Strategije razvoja općine Tešanj za period 2018.-2022. (rok za izradu Nacrta je septembar 2017.godine).

U izvještajnom periodu usvojeno je i Rješenje o imenovanju članova drugostepene komisije za rješavanje po žalbama protiv rješenja općinskih organa uprave.

REALIZACIJA ZAKLJUČAKA

Uvidom u hronološki registar propisa objavljenih u "Službenom glasniku Općine Tešanj" u izvještajnom periodu, može se konstatovati da je zaključke donesene od strane Općinskog vijeća Općinski načelnik i administracija uglavnom i realizirala u predviđenom roku, a da je u toku realizacija preostalih zaključaka. Općinsko vijeće se informiše dostavljanjem pisanog pregleda svim vijećnicima kao prilog Izvještaja o radu Općinskog vijeća.

ZAKLJUČCI

- a. Kada se ima u vidu ukupna realizacija planskih i vanrednih aktivnosti, može se konstatovati da je Općinsko vijeće u periodu 01.01. – 30.6.2017. godine uspješno realizovalo svoju ulogu.
- b. Većina odluka je usvojena jednoglasno.
- c. Aktivnost Vijeća se ogleda i kroz usvojena 72 akta koja su upućena Općinskom načelniku i administraciji na realizaciju, od kojih je većina realizovana. Detaljan pregled je u prilogu Izvještaja.
- d. U cilju transparentnosti rada ovaj Izvještaj će biti objavljen na zvaničnoj web stranici Općine Tešanj i jednim dijelom u narednom broju Biltena, te tako dati priliku i građanima da se upoznaju i putem ove zbirne informacije o radu Općinskog vijeća Tešanj.



PREDSJEDAVAJUĆI VIJEĆA
Senad Subašić, dipl.oec.